

**ATASSUT****UPA 2016/33****Siverth K. Heilmann****25. 04. 2016.**

"Naalackersuisut sermimik imermillu avammut nioqquteqalernissamut pilersaarussiaat pillugu nassuiaat 2004-imeersoq"-mut malinnaatitsissummik nassuiaammik kingusinnerpaamik UKA 2017-imi saqqummiusseqqullugit Naalackersuisut peqquneqarnissaanik Inatsisartut aalajangiiffigisassaattut siunnersuut.

(Nalunaarusiarineqartussap takussutississavai siunissami imermik sermimillu nunanut allanut nioqqutissiortalernissamut aporfiusinnaasut aammalu nunarsuarmioqatigiit niuerfissuini niuernerpalaartumik unamminarsinnaasut nalunaarsussallugit. Nalunaarusiap aamma ersersissavaa sermimik imermillu avammut niuruteqarnissamut avungangaaq pilersaarussiaq, imermik avammut niuruteqarnermi maannamut misilittagaalersimasut aallavigalugit).

(Inatsiartunut ilaasortaq Jess Svane, Siumut)

Inatsisartunut ilaasortaq Jess Svane, Siumut aalajangiiffigisassatut siunnersuuteqarninnut qujanaq imatullu ATASSUT_mii oqaaseqarfigissavarput.

Qulequtarineqartoq pillugu aatsaat maani inimi eqqartorneqalinngitsoq, soorlu aamma Naalackersuisut uppernarsaannaraat sermimik imermillu ineriartortitsineq suliffissaqartitsineq aammalu Kalaallit Nunaannut avammut tuniniaanermi isertitaqarnerunissaq siunertaralugu 2016 naanera sioqqullugu naammassisimassasoq naatsorsuutigineqartumik.

Siunnersuuteqartup tunngavilersuuteqarnermigut tikitai annerpaamik ATASSUT_mii isumaqatigilluinnarpagut, imeqarfeqarfippassuaqartugut imaalitsiaannaq nunguttussaannngitsumik aammalu nunatta sermia massakkornit annertunerujussuarmik ilanngullugu tunisassiarineqarsinnaagaluartumik.

Eqqaamalluinnarpara nunatsinni uuliasiornissamut misissiuinerit ingerlaneranni aningaasarsiutigineqarnissaasalu isumalluarfigineqarnerujussuanni ATASSUT-mii oqariartaaserigigippit, Nunatta Ernga Sermillu minguitsup avammut tunisassiarinissaa aningaasarsiutiginiisaatalu salliutinneqartariaqarnerannik.

Aap, nunatta qaqqaniik imermik kuuinnartorsuarnik peqarfippassuaqarnerput pillugu, nunatsinni nunattalu avataaneersunik takorluuisoqartarpoq, umiarsuit tankersuallit atorlugit qaqqamut kuuqarfiusumut taliinnariarluni immiisarnissaminnik, erngullu minguitsup nunatta avataanut tunisassiarinissaanik eqqarsaatersortunik.

Takorluukkat kusanat ajornanngippasittarlutillu, aperisoqarsinnaavoq suummiuku aporfiusartut? Niuernermi ilisimasallissuit, inuit selskab-inillu ingerlataqartut namminneq aporfiusartut nassuiarnerusinnaavaat aammali pissanganassaaq Naalackersuisut 2016-ip naannginnerani pilersaarussiaasumik saqqummiussaqaarnissaat. ATASSUT-miilli ilaatigut makkua aporfiusartut nalunngeriikkagut eqqaasinnaavakka.

Tunisassiassaq sunaluunniit bakteriaqannginnissaanik piumasaqaateqarneq.
Nunarsuarmi silaannaq mingutsitsinneqarmat, nunarput eqqorneqartunut ilaavoq.
Assartuinerup ungasinnerujussua akisunerujussualu.
Imermik pilersuinermi teknolog-iimik ineriartupiloortoqarneratigut unammilleruminaatsitsineq osv.

Siunnersuuteqartoq ilumoorpoq, imermik sermimillu nunatsinniit nioqqutissionerit arlallit
ingerlanneqartarsimaneri, ajoraluartumilli iluatsitsiviunerpaarsuusarsimanngitsunik. Aap eqqartukkatsinnut
atasumik qujanartarpoq, inuit nunatsinniik nunattalu avataaneersunik, pisuussutitta tunisassiarinissaanut
suliffinnillu pilersitsiviusussanik eqqarsarlutik sapiisertarmata.

Inatsisiliortutut pisussaaffigisarparput inatsisinik atuutereersunik naleqqussaajuarnissaq, taamaalilluta
nunatsinni nunattalu avataaniik suliffissanik aningaasarsiorfissanillu aallartinniartunut
aporfissalorsorpallaarnagit aallartinnissaat kommuunet innuttaasullu peqataasinnerisigut
aqqutissiuunnissaat.

Oqaatigisariaqarpara aallartisarussuttut ilaqartarmata, pissutsinik piviusunik ilisimasakinneq pissutigalugu
ingasaginarsinnaasunik sapiisertoqartarmat, aporfiusinnaasunillu tikkuunneqareeraluarlutik
pilersaarutiminnik upperinnillutik ingerlaannarusuttartunik. Pilersaarusiortuarneq siunnersuinerlu
pitsaanerpaamik inissisimajuarnissaa ATASSUT-ip pingaartitarilluinnarpaa.

ATASSUT-miit siunnersuuteqartutuulli naqissuseqqissavarput, nunatsinni aningaasarsiornikkut
iluatsilluartoqarnissaa siunertaralugu, Imermik Sermimillu tunisassiornissaq soqutiginninnerup
tamattaalluta annertusartuartaqaripput.

Naalakkersuisut siunnersuuteqartumut akissuteqaataannut qujanaq akuersissuteqarnissamillu
inassuteqarnerat tamakkiisumik ATASSUT-miit taperserlugu ataatsimiititaliamut susassaartumut
ingerlateqqinneqarnissaa taperserparput.